

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Vacacione, Amissione, Et Extinctione Beneficiarvm ...

**Leuren, Peter**

**Coloniæ Agrippinæ, 1704**

735. An simoniacum sit resignare eâ conditione, ut Resignatarius, vel alius  
resignet beneficium in favorem Resignatis, aut alterius.

---

[urn:nbn:de:hbz:466:1-74494](#)

debitori conferat timore amittendi debitum, sive ut debitum ab eo consequi possit, si nullum pactum intercedat, per quod imponatur nova obligatio in futurum debitoris; et quod tunc collator solum petat, quod suum est, sive quod sibi ex precedente alio contractu est liquidi debitum, adeoque adhuc gratis conferat beneficium. Fore tamen simoniacum, si conferat debitori beneficium addito novo pacto securitatis in futurum, pro quibus citat Suar. l.4. de simon. c.37. n.18. qui etiam ibi addat; si debitor differendo solutionem, manifestam vim & injuriam inferret, posse dari spirituale aliquid, non ut pretium, sed ut medium tollendi vexationem, modò scandalum & omnis irreverentia caveri possit. Pro quo etiam citat Laym. Th. mor. l. 4. tr.10. c.ult. n.ult. de quo postremo plura pauld plost.

*Quæstio 733. An simoniacum sit resignare beneficium, ut resignatarius resignanti, vel alteri ferat suffragium in electione aliqua, aut presentatione, seu adoptione alicuius beneficii, vel officii?*

R Espondeo affirmativè. Paris. l. 14. q. 4. n.5. & Rex eo Azor cum communi. Idem est, si quis promittat, te resignaturum in favorem Titii, si operâ illius, aut alterius beneficium aliud fuerit adeptus. Azor loc. cit. quis in his sit resignatio pro precio rei spiritualis, quod prohibetur c. sicut c. non satis. de simon. Paris. cit. q.4.n.6. nec solùm resignatio est simoniaca, dum datur aliquid temporale, sed etiam dum datur aliquid spirituale. Paris. ibid. n.1. citans Joan. Caraf. de simon. mental. n.65.

*Quæstio 734. An simoniacum sit resignare in favorem Titii, ut is resonantem moneat, seu certiore faciat, ubi beneficium aliquod in urbe Titii vacabit?*

R Espondeo affirmativè. Paris. cit. q. 4. citans Nav. in man. c.23. n. 107. & cum illis Azor loc. cit. addit etiam Paris. n. 8. statuisse Gregor. II. in Constitut. sua 4. nihil dandum nunciantibus vacaciones beneficiorum.

*Quæstio 735. An simoniacum sit resignare ea conditione, ut Resignatarius, vel alias resigne beneficium suum in favorem resignantis, aut alterius, puta amici, nepotis &c.*

1. R Esponderet Azor. cit. c.27. q.5. indistinctè committi hoc modo simoniacum; eodem modo respondet Paris. l. 14. q. 4. n.3. citatis Nav. in man. c.23. n.100. Innoc. Jo. And. relati à Vitalino in Clem. unic. de rer. perm. n.42. Verum procedendo distinctius.

2. Respondere secundò. Petrum resignare suum beneficium Paulo è lege, ut vice versa Paulus resignet Petro suum beneficium, simoniacum non est, ubi talis reciproca resignatio plus non involvit quam permutationem beneficiorum, qua fieri potest coram Ordinario. Idipsum sentire videtur Paris. loc. cit. n.4. dum responsionem suam, quā dixerat, illam reciprocam resignationem, qua quis resignat alteri suum beneficium, ut is iterum suum resignet sibi, simoniacum esse, sic limitat, ut velit, non procedere, quoties id fuit in supplicatione expressum, ut communiter practicatur, intellige, etiam coram Ordinario. De cetero permute beneficiia, etiam nullà interveniente pecunia, vel alio

temporali æquivalente, si talis permutation fiat per pactum privatorum sine auctoritate Superioris, est simonis jure humano Ecclesiastico prohibita, seu inducta. Lott. l.3. q. 29. n. 101. Pirrh. ad tit. de simon. n. 124. (ubi tamen additivel saltem illicita, quia jure Ecclesiastico, nempe c. cùm olim. c. questum, derer. perm. prohibita) Castrop. de simon. d.3. p.15. n.3. citans Rebuff. in pr. tit. de perm. n.52. Suar. l. 4. de simon. c.31. n.8. Valent. d.6. c.26. p.3. Rodan. de simon. p.3. c.3. n.13. contra gl. & Innoc. in cit. c. questum, tenentes, præbendas ejusdem Ecclesie, & ratione posse privatim permutari. Sed neque coram Ordinario possunt permutari beneficia inæqualium proventuum, ita ut de ejus consensu inæqualitas illa compensetur pecunia, aliove temporali sine la. be simonia: cùm enim Ordinarius non possit fru. etus à titulo spirituali beneficii separare (uri id potest Papa, & hiac de ejus consensu hac compensatio fieri potest) translati titulo, transfertur necessarij & jus ad fructus; adeoque, si pro hoc jure translato consentiret Ordinarius exigere pretium, fore in justum, & simoniacum. Castrop. loc. cit. p. 16. n.1. citans gl. in c. cum pridem de patris. Lessum de iust. l.2. c.35. n. 104. Suar. l. 4. de simon. c.34. l. n.10. Idemque erit, si compensaretur dicta inæqualitas fructuum etiam provenientes ex decimis, primitiis, oblationibus (quos fructus spirituales vocat Castrop. loc. cit. n.2.) imposita de consensu Ordinarii pensione pinguiori beneficio; quia Ordinarius neque ex ista causa pensionem imponere potest. Castrop. loc. cit. n.3. citans Garc. p.1. c.5. n.341. & 344. Suar. ubi ante. Valent. Rodriq. &c. juxta dicta à nobis suprà de pens contra Gonz. gl. 5. §.5. Nav. cons. 74. & 75. de simon. n.4. Delphin. de jure p. l.2. q. 16. n. 161. &c.

3. Respondeo tertio: Est tamen simonica illa alia reciproca resignatio, dum Petrus resignet beneficium suum in favorem neporis Pauli è lege, ut Paulus sibi, seu Petro resignet suum. Azor. Paris. l. cit. Castrop. de simon. d.3. p.17. n.11. citans Less. l.2. de iust. c. 35. n. 87. Suar. ubi ante n.18. cō quod, licet etiam in tali resignatione adeste videatur quidam permutation, ea tamen mixta sit cum resignatione in favorem, quæ Ordinariis omnino prohibita est. Castrop. loc. cit. citatis iisdem.

4. Respondeo quartò: Idem dicendum de resignacione triangulari. v.g. dum resigno meum beneficium Petro, ut Petrus renunciet suum Paulo, & Paulus suum mihi, quia fortè meum beneficium commodius est Petro, & Petri beneficium Paulo, & Pauli beneficium mihi. Paris. l. 14. q. 7. n. 6. ubi exprestè: resignatio ex causa permutationis dicitur simoniaca, si est triangularis, vel quadrangularis. Castrop. loc. cit. citans Less. ubi ante n. 88. Suar. ubi ante. Garc. p. II. c. 4. n. 21. qui tamen plus non dicit, quām non valere permutationem protatio, & permutationem debere esse inter duos, non triangularem, aut quadrangularem. Ratio responsonis est, quod ad evitandam simoniacum in beneficiorum provisione omnis conventio & pactio obligans ad aliquid, quod de jure non inest, omnino cessare debet, juxta c. tuanos. de simon. & c. fin. de patris; sed in praesenti intervenit pactio de aliquo praestando, quod de jure non inest, dum primus obligat secundum, ut resignet in favorem tertii, secundus tertium, ut resignet in favorem primi. Castrop. loc. cit. Posse tamen idem intentum obtineri licet vi duplicitis permutationis, ut si ego permute beneficium meum cum beneficio Petri, & habito be-

ne-

eneficio Petri illud iterum permute cum Paulo; dum hæc ratione Paulus habebit beneficium Petri, quod sibi commodius est, & Petrus meum, quod illi commodius, & ego Pauli, quod mihi commodius; sic inquam tradit Castrop, cum Lef-  
sio, dicitque id probabile censerit à Suar.

*Questio 736. An simoniacum sit confer-  
re, vel resignare beneficium pingue sub one-  
re, ut resignatarius resignet simpliciter seu  
purè minus pingue, ut illud conferri valeat  
alterius?*

1. **R**espondeo per partes, ut enucleatius proce-  
datur. Ac primò quidem, non esse simoni-  
cum, si Episcopus (idem videtur quod ad hoc, de  
alio Collatore) conferat (idem videtur ob parita-  
tem rationis, si quis resignet) beneficium habenti  
jam aliud incompatible cum hoc secundo sub ea  
conditione & onere, ut renunciet primum; eo  
quod in hoc casu conditio seu obligatio resignan-  
di primum de jure inest. Garc. p. 8. c. 2. n. 22. citans  
Abb. in c. significasti. n. 6. de cœl. Pavin. de off. & por.  
cap. sedevac. p. 2. q. 1. n. 8. Selv. de benef. p. 2. q. 20. n. 2.  
& 3. Redoan. de simon. p. 2. c. 21. n. 7. Rebut. in pr. tit.  
requista ad collat. bon. n. 3. Mascal. de probatio. concil.  
313. n. 3. &c. Cardenas. in c. 13 ad proprie. dann. ab In-  
noc. II. disserr. 27. n. 120. citans infuper pro hoc n. 16.  
Th. Sanch. to. 1. consil. 1. 2. c. 3. dub. 25. & n. 117. Gibal.  
de simon. c. 16. coroll. 8. nec opus quod ad hoc erat limi-  
tatione, quam pouit Sanch. loc. cit. nempe non fore  
id simoniacum, si prius beneficium collatum fue-  
rit cum illa conditione, ut si conferatur aliud pinguius,  
prius dimittat, dum absque eo adhuc illud  
onus dimittendi ipso jure inest receptioni secundi  
beneficii incompatible.

2. Respondeo secundò: si verò beneficium con-  
ferendum non est incompatible cum præhabitu,  
esse simoniacum, si conferatur sub onere dimitten-  
di præhabitu, tenent Garc. loc. cit. m. 24. Sanch. Gi-  
bal. Selv. II. cit. Nihilominus contrarium, saltem de  
Episcopo, collatore, docet Cardenas loc. cit. n. 182,  
citato Alphon. de Moçoso in sum. tr. 5. de simon. c. 10.  
hisce expressis: veram censem sententiam affirmantem,  
posse Episcopum absque labore simonia conferre beneficium  
pinguis Clerico cum onere, ut renunciet beneficium mi-  
nus pingue, quod ante haec erat, quoniam et beneficia in-  
ter se sunt compatibilita. Rationem suæ sententia dat  
à n. 24. quod vi c. questio nra rer. permitt. detur po-  
testas Episcopo transferendi beneficium de una  
Ecclesia ad aliam, dum autem Episcopus confert  
beneficium pinguis Clerico cum onere resignan-  
ti tenuis, si vera & perfecta translatio, utpote  
qua dicit terminum ad quem, & terminum à quo,  
qui uterque in tali collatione conditionata reper-  
tur; dum enim confert beneficium pinguis, facit  
illum transire ad aliam ecclesiam tanquam ad ter-  
minum ad quem; dūmque jubet renunciare bene-  
ficium tenuis, facit illum recedere ab Ecclesia,  
cui ante præter tanquam à termino à quo, qua-  
que, ut Suar. to. 1. de relig. tr. 3. l. de simon. c. 22. in hoc  
dissert à permutatione, quod translatio non sit con-  
tractus, unde per se non requirat, quod fiat inter  
duos, & per se recipiat utilitatem Ecclesiæ, non  
translatorum. Unde originem ducit à providentia  
Prælati, non autem à voluntate translati.

3. Quod, si ex hoc ipso sumas occasionem op-  
ponendi, & dicas, in tali collatione, etiam fasta ab  
Episcopo, revera intercurrere pactum, & fieri eam

per modum contractus, dum Episcopus dat bene-  
ficium non nisi dependenter ab hoc, quod collata-  
rius consentiat in resignationem alterius beneficii  
& sic collationem secundi beneficii non esse ex na-  
tura sua veram translationem, sed impletionem il-  
lius conditionis & pacti. Respondet Cardenas n.  
133, non esse contractum, nec fieri illam provisio-  
nem per modum contractus; cum illud onus Epi-  
scopus non imponat pacto, sed imperio & iustitione;  
ac proinde æquivalere huic actui: do tibi hoc benefi-  
cium, & quia scio te acceperaturum, jubeo, ut renuncies  
beneficium præhabitum. Vel huic: jubeo, ut acceptes hoc  
beneficium, & ut renuncias aliud. Quod imperium fa-  
cere possit via accepta porestat. in cit. c. questum.  
Quin &c. ait in fine cit. n. 133, si periculum est simo-  
nia propter pactum in tali provisione conditiona-  
li, se consulere, ne Episcopus utatur provisione  
conditionali, sed imperativâ, quare presumere de-  
beamus in Episcopo sic providente. Si instes &  
dicas, Episcopum expectare consensum collata-  
rii, utpote sine quo fieri nequit talis provisio, & si  
is renuat, non haendum pro inobedienti; adeo  
que potius dicenda sit talis provisio pactio, quam  
iustio, & sic, non esse veram translationem, de qua  
loquitur citatus textus. Respondet n. 136, non re-  
pugnare, ut imponatur præceptum, & quod, si sub-  
ditus renuat, & Superior annuat ejus renitentia; sic  
enim leges imperativo modo imponi, & tamen  
solere Principes annuere renitentia populi, &  
expectare consensum ejus; quia non volunt obligare  
populū invitum.

4. Quod, si ulterius instes dicendo, veram trans-  
lationem, cuius facienda potestatem datur Epi-  
scopo in cit. textu c. questum, require, ut fiat ex  
causa necessaria, sed talis non est in presente casu  
renunciandi beneficium præhabitum, ut consequatur  
secundum necessarium enim non est, ut refi-  
gnet præhabitum; cum sint compatibilia, adeoque  
causa renunciandi prius in hoc casu est voluntaria  
beneficiato; & sic resignatio trahit originem non à  
providentia Prælati, sed à voluntate rehgnantis seu  
translati; ad hoc inquam, Respondeo à n. 139. adhuc  
dici causam moraliter necessariam, qua importat  
magnum utilitatem pro bono regimine Ecclesiæ,  
qualis est distribuere ita beneficia, ut pinguiora  
dentur dignioribus, & evitetur in quolibet indi-  
viduo pluralitas beneficiorum; talis autem est ne-  
cessitas Episcopi in presente casu, dum non sit ea  
translatio principaliter propter bonum clerici, sed  
ob bonum regimen Ecclesiæ, & sic causam renun-  
ciandi non esse voluntariam beneficiato; utpote  
cujus voluntati non subest bonum regimen Eccle-  
siæ, propter quod sit hæc translatio, sed originem  
ducere à voluntate & providentia Episcopi.

5. Rationem aliam responsionis sua dat & fir-  
mat Cardenas à n. 144. nimisrum, quod provisio be-  
neficii sub conditione, ut renunciet beneficium  
præhabitum etiam compatible cum hoc secundo,  
ideo nihil continet simonia; quia & hac conditio  
non fecit, ac conditio resignandi præhabitum in-  
compatible de jure inest. Si quidem, cum, ut ait, &  
pluribus textibus juris firmat à n. 145, semper in  
Jure Canonico res odiosa fuerit pluralitas benefi-  
ciorum, etiam independenter ab eo, quod sint in-  
compatibilis propter plurima incommoda, qua ex  
hac pluralitate oriuntur, & propterea, ut ait. n. 133,  
conformius multo sit Juri Canonico, & Constitu-  
tionibus Pontificum & Conciliorum, vitare pluralita-  
tem beneficiorum; adeoque multo melius & con-  
sultius